

Gvangjsih Minzczuz Bau

Cawjguen: Gvangsijh Bouxcuengh Swcigih Minzczuz Cunghgyau Swvu Veijyenzvei

Cawjbanh: Gvangsijh Minzczuz Bause

Geiz neix 8 banj

Aenhauh okbanj: CN45-0036

B.2024

Nd.1 Ng.17

Liggaeuq gveijmaux nienz ndwenlab cocaet

Geizsoq: Gungh daih 3606 geiz

Gvangjsih Laebbaenz “Couqmaenh” Yenzgiu Gunghcoz Lingjdauj Siujcuj

Mboengneix, Gvangsijh Bouxcuengh Swcigih Dangveij Bangungh-dingh yaenqfat 《Aen Dunghcih Mizgven Laebbaenz Gvangsijh Couqmaenh Gij Eiqsik Caezcaemh Cunghvaz Minzczuz Yenzgiu Gunghcoz Lingjdauj Siujcuj》, gietdingh laebbaenz Gvangsijh Couqmaenh Gij Eiqsik Caezcaemh Cunghvaz Minzczuz Yenzgiu Gunghcoz Lingjdauj Siujcuj, guenjieix aen gihci mizgven gunghcoz yenzgiu, gezcwz camcaz.

Lingjdauj siujcuj dwg Gvangsijh Bouxcuengh Swcigih Dangveij suhgi Liuz Ningz guh cujcanj, Swcigih cujsiz Lanz Denhliz guh fucujcanj, cwnngzyenz dwg Swcigih Dangveij cangzveij gapbaenz. Gij hong lingjdauj siujcuj cujyau dwg: Gvancez doeksaed

gij baijbouh gezcwz hungnaek Dangcunghyangh caeuq Swcigih Dangveij mizgven hong couqmaenh gij eiqsik caezcaemh Cunghvaz Minzczuz; yenzgiu gij vwndiz hungnaek Gvangsijh couqmaenh gij eiqsik caezcaemh Cunghvaz Minzczuz, caemhcaiq daezok gij genyi miz cwnngcwz, miz cimdoi, miz banhfap hawj Swcigih Dangveij gezcwz camgauj; hezdiuz cijdauj gak dieg gak danhvei dangveij (dangcuj) hagsib gvancez lijlun fuengcim cwnngcwz hungnaek Dangcunghyangh caeuq Swcigih Dangveij mizgven couqmaenh gij eiqsik caezcaemh Cunghvaz Minzczuz.

Lingjdauj siujcuj baihlaj laeb Gvangsijh Couqmaenh Gij Eiqsik Caezcaemh Cunghvaz Minzczuz Yenz-

giuvei, laeb youq Swcigih Dangveij Dungcanbu, fucwz hong ngoenz-naengz lingjdauj siujcuj, veicangj dwg Swcigih Dangveij cangzveij, Dungcanbu bucanj guh. Fubucangj dwg fucujyin, fucujisiz Swcigih Yinzda, Cwnngfuj, Cwnnghez faenguenj roxnaeuz lienzhaeh hong minzczuz guh. Yenzgiuvei hopheux cujciz hezdiuz, lijlun yenzgiu, yozsuz doxgyau, gezcwz camcaz, senhconz gyauyuz haj aen cujyau yinvu, haiguh hong baenzroix yenzgiu couqmaenh gij eiqsik caezcaemh Cunghvaz Minzczuz, giethab gij saedguh ndaej baenz Gvangsijh minzczuz doxgiet baenaj, laegdaeuz lwnhgangj gij yiyi hungnaek, gohyoz neihanz, cingsaenz saedcaet, saedguh iugouz couqmaenh gij eiqsik caez-

caemh Cunghvaz Minzczuz daengj lwnhduenq cauhndauj hungnaek; gyagiengz caeuq daengx guek gak gauhyau, gohyenz gihgou gvangqlangh doxgap, gyalag doxgyau, dajcauh aen yozsuz lundanz, yozsuz yenzgiuvei miz rengz yingyangj haemq ak; gyalai haiguh diucaz yenzgiu, cujciz bingzgij camcaz, aeu dungxcaiz haeujoengh Gvangsijh hwnqguh aen gih yiengh-ndei couqmaenh gij eiqsik caezcaemh Cunghvaz Minzczuz; baengh ciendaiz beizyin, cawjdaez senhgyangj, yenzyoiz doxgyau, meizdij senhconz daengj hingzisk, bangrenz dajcauh aen dijhi ganbu gyauyuz, dangjyenz gyauyuz, gozminz gyauyuz caeuq sevei senhconz gyauyuz couqmaenh gij eiqsik caezcaemh Cunghvaz Minzczuz.

(daj Swcigih Minzczunghveij aeu)

Mbaet Byaek Baujingq Hawciengz Aeuyungh

1 nyied 14 hauh, Mungzsanh Yen Sinhhih Cin Sinhhih Cunh aen dieg guhyiengh ndaem byaek vnzmbanj cingq mbaet byaek bae gai, baujingq hawciengz aeuyungh. Aen yienh neix saedhengz diegdeih riuzcienj, guh baenz benq ndaem byaek, aen dieg guhyiengh ndaem byaek Sinhhih Cunh riuzcienj diegdeih, ndaem 1000 moux byaek ndei cienmonz gunghawj Yez, Gangj, Au davanhgi hawciengz. Ngoenz-haenx, mbwn gvengq, vnzmbanj cagaenj seizgan mbaet byaek bae gai, sou gyaqcienz gaen 5 maenz, dangngoenz fathuq, dangngoenz daengz Gvangjdungh daengj dieg gai.

(Gyangh Yungjluz ingj)



Gvangsijh Goengbough Aen Mingzdan Mbanj Cungdenj Lijyouz Saekhoengz Buek Daih'it

Swcigih Vwnzva Caeuq Lijyouz Dingh mboengneix goengbough le aen mingzdan mbanj cungdenj lijyouz saekhoengz buek daih'it, Gveilinz Si Cenzcouh Yen Caizvanh Cin Nanyiz Cunh daengj 8 aen mbanj ndaej senj haeuj.

Vih coihaeuj saenqhwngh lajmbanj caeuq hwnqguh lajmbanj cing-saenz vwnzmingz, fatok gij goeng-naengz son'gyauq lijyouz saekhoengz, doicaenh lijyouz saekhoengz caeuq

lijyouz lajmbanj, lijyouz swnghdai, lijyouz diyzuz daengj mizgven yiengh-saeh caeuq gijgwn, dozninz daengj mizgven canjnieb doxyungz hwnghat, Swcigih Vwnzva Caeuq Lijyouz Dingh guh hong senjleh aen mbanj cungdenj lijyouz saekhoengz Gvangsijh buek daih'it.

Ciuq bauq, saemjhaed caizliuh, dangciengz haedniemh, cunghab bingzngaih, dinghvuvei saemjngaih, goengbough daengj bouhloh, Gveilinz

Si Cenzcouh Yen Caizvanh Cin Nanyiz Cunh, Gveilinz Si Hingh'anh Yen Vazgyangh Yauzcuz Yangh Dungzyinz Cunh, Bwzswz Si Yougyangh Gih Gai Bwzcwngz Cunghsanh Segih, Gveilinz Si Gvanyangz Yen Sinhhih Cin Hozmuz Cunh, Vuzcouh Si Vansiu Gih Yayingj Cin Fungvangz Cunh, Liujcouh Si Yungzsuij Myauzcuz Swciyen Yungzsuij Cin Sinhgoz Cunh, Yilinz Si Hinghyez Yen Cwnngzvanz Cin Lungzdzanz Cunh,

Hozciz Si Dunghlanz Yen Vujcon Cin Dunghlij Cunh 8 aen mbanj(segih) ndaej senj haeuj aen mbanj cungdenj lijyouz saekhoengz buek daih'it Gvangsijh. Mizgven bouhmonz caeuq deihfueng yaeq cinghab guhndei gaiq swhyenz seizneix miz, gaenxmaenx haeujoengh hwnghat aen mbanj cungdenj lijyouz saekhoengz, caemh-caiq fatok gij cozyung daiqdoengh de, bangrenz saenqhwngh lajmbanj.

(Loz Vanli)